



Broj: 05/7-39-1-155-48/19

Sarajevo, 23. 4. 2019.

Z A P I S N I K

48. sjednice Vijeća nacionalnih manjina BiH, održane 23. 4. 2019.

Sjednica Vijeća nacionalnih manjina BiH počela je u 17 sati.

Sjednicom je predsjedavao Andrija Svatok, predsjedavajući Vijeća nacionalnih manjina BiH.

Sjednici su prisustvovali: Tijana Vučurević, Jakob Finci, Tihomor Knežiček, Davor Ebner, Dejan Piotrovski, Jovanka Manzalović-Šalaka, Velibor Kuvač, Dragan Marković, Todorka Jovanović, Silvija Vujović, Vjeročka Gajić, Eva Pašić-Juhas, Mladen Radmilović, Nedžad Jusić, Hakan Varan i Halil Bicaaj.

Sjednici nije prisustvovala Marija Grbić.

Sjednici su, također, prisustvovali: Aida Kreho, sekretarka Zajedničke komisije za ljudska prava, Branislava Vignjević, stručna savjetnica u Zajedničkoj komisiji za ljudska prava, i Ajdin Selimović, volonter u Zajedničkoj komisiji za ljudska prava.

Članovi Vijeća nacionalnih manjina BiH **jednoglasno** su usvojili sljedeći

D N E V N I R E D

1. Usvajanje Zapisnika 47. sjednice Vijeća nacionalnih manjina BiH;
2. Razmatranje odredbi Zakona o Vijeću ministara BiH (član 6. stav (3)) i aktivnosti u vezi s formiranjem vlasti na nivou BiH;
3. Dogovor o izradi plana raspodjele finansijskih sredstava Vijeća nacionalnih manjina BiH za 2020. godinu;

4. Razmatranje načina saradnje i narednih aktivnosti s vijećima nacionalnih manjina, udruženjima i savezima nacionalnih manjina na entitetskim i nižim nivoima vlasti;
5. Tekuća pitanja.

Ad. 1. Usvajanje Zapisnika 47. sjednice Vijeća nacionalnih manjina BiH

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. Rasprave u vezi s ovom tačkom nije bilo. Članovi Vijeća **su, s 14 glasova „za“ i dva glasa „suzdržan“, usvojili** Zapisnik 47. sjednice Vijeća nacionalnih manjina BiH.

Ad. 2. Razmatranje odredbi Zakona o Vijeću ministara BiH (član 6. stav (3)) i aktivnosti u vezi s formiranjem vlasti na nivou BiH

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. U raspravi su učestvovali: Dragan Marković, Nedžad Jusić, Jakob Finci i Velibor Kuvač.

Nakon rasprave, članovi Vijeća nacionalnih manjina BiH, **s 15 glasova „za“ i jednim glasom „protiv“, odlučili** su da se obrate članovima Komisije za pripremu izbora Vijeća ministara BiH i svim poslanicima u Predstavničkom domu Parlamentarne skupštine BiH povodom predstojeće procedure imenovanja članova Vijeća ministara BiH, s molbom za puno poštivanje odredbi Zakona o Vijeću ministara Bosne i Hercegovine. Vijeće nacionalnih manjina BiH želi skrenuti pažnju i podsjetiti na odredbu člana 6. stav (3) Zakona o Vijeću ministara Bosne i Hercegovine kojom se predviđa da se **u sastavu Vijeća ministara BiH**, koje čine predsjedavajući i ministri, u skladu s članom 5. Zakona, ili na dužnosti generalnog sekretara Vijeća ministara, **mora osigurati najmanje jedno mjesto za pripadnike ostalih.**

Vijeće nacionalnih manjina BiH dodatno podsjeća i na odredbe Zakona o zaštiti prava pripadnika nacionalnih manjina kojim se utvrđuju prava pripadnika nacionalnih manjina u Bosni i Hercegovini, ali i obaveze organa vlasti, u smislu prava pripadnika priznatih nacionalnih manjina na zastupljenost u organima vlasti na svim nivoima. U skladu s navedenim, Vijeće nacionalnih manjina BiH smatra da mjesto koje se, prema Zakonu o Vijeću ministara BiH, osigurava za pripadnike ostalih treba pripasti predstavniku jedne od priznatih nacionalnih manjina, u skladu sa Zakonom o zaštiti prava pripadnika nacionalnih manjina.

Ad. 3. Dogovor o izradi plana raspodjele finansijskih sredstava Vijeća nacionalnih manjina BiH za 2020. godinu

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. U raspravi su učestvovali: Nedžad Jusić, Eva Pašić-Juhas, Dragan Marković, Velibor Kuvač, Davor Ebner, Mladen Radmilović, Halil Bicaj, Hakan Varan i Jakob Finci.

Nakon rasprave, članovi Vijeća **jednoglasno su** donijeli odluku da se o povećanju budžeta za 2020. godinu raspravlja nakon što se usvoji budžet Parlamentarne skupštine BiH za 2019. godinu.

Ad. 4. Razmatranje načina saradnje i narednih aktivnosti s vijećima nacionalnih manjina, udruženjima i savezima nacionalnih manjina na entitetskim i nižim nivoima vlasti

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. U raspravi su učestvovali Nedžad Jusić i Hakan Varan.

Vijeće nacionalnih manjina BiH **jednoglasno je odlučilo** da uputi inicijativu vijećima nacionalnih manjina na nižim nivoima vlasti u BiH za održavanje sastanka na kojem bi se raspravljalo o ključnim pitanjima i problemima s kojima se u svom radu suočavaju pripadnici nacionalnih manjina u BiH.

Ad. 5. Tekuća pitanja

U okviru ove tačke sekretarka Zajedničke komisije Aida Kreho saopćila je članovima Vijeća nacionalnih manjina nekoliko bitnih informacija u vezi sa studijskim putovanjem u Strazbur.

Predsjedavajući Vijeća nacionalnih manjina BiH Andrija Svatok istakao je kako bi bilo dobro imati još jedan sastanak pred predstojeći put u Strazbur kako bi se dogovorili u vezi s posjetom tijelima Vijeća Evrope koja se bave zaštitom nacionalnih manjina, a što je planirano za 8. 5. 2019.

Također, članovi Vijeća informirani su o mogućoj posjeti Republici Turskoj, koja bi eventualno bila realizirana najesen.

Sjednica Vijeća nacionalnih manjina BiH završena je u 18.10 sati.

Sastavni dio Zapisnika je tonski snimak 48. sjednice Vijeća nacionalnih manjina BiH.

Stručna savjetnica

Branislava Vignjević

Predsjedavajući

Vijeća nacionalnih manjina BiH

Andrija Svatok